

РУСКИ НОВИНИ

Dr. I. Đ. Višosevic, rektor grkt. sjem. Zagreb g. g.

„Руски Новини“ виходва кажди тидень. — Предплата на рок 60 Дин. Адреса: „Руски Новини“ Р. Керестур.

ЗА РУСИНОХ У ЮГОСЛАВИИ

Видава: Руске Нар. Просв. Дружтво
Редактор: Мпх. ФИРАК.

Найважнейши висти. РУСКИ ДЗЕЦИ ДО ШКОЛИ.

Статистика в остатних роках докаже, же нашо браца Русини на Горњици знаю добре вихасновац тоту шлебоду, цо ю маю у чехословацкей держави и у вше векшим числу послаю свою дзеци до виших школах. Так 1936. року було шицких руских школярох у штредних школах 2.650, а 1937. року уж 3.330, прирост виноши 680 лебо 26%. Ані Чехи ані Мадяре ані Немци у Ческей немали такого велького приросту школярох як Русини. Осетел наш народ на Горњици же муши мац до вецей рускей интелігенциі котра го будзе водзиц. Ми у Югославиі маме пренало руских школярох штредних и виших школах, гоч би велі нашо людве могли свою дзеци, особено хлапцох вецей школовац.

ЗА ПРЕУШОРЕНЕ ЧЕХОСЛОВАЦКЕЙ

Франция и Англия дала чехословацкей пораду, да цо скорей ушори питање своих меншинох Немцох, Русинох, Мадярох и Полякох. Немцом треба цо вецей попушиц. Английска новини пишу, же Гитлер жада, да ше Чехословацка ушори так як Швайцарска, — да кожди народ ма свою народну округу „кантони“, котри буду мац свою самоуправу. Може так буц же попрі Немцох годни и Русини скорей достац на Горњици свою подполну автономію, котра им давно обецана без котрей ше наш народ не може шлебодно и подполно розвивац.

КАТОЛИЦИ И ЛУТЕРАНЕ У НЕМЕЦКЕЙ.

Терашня велька Немецка зос Австрию ма 27 милиони католикох и 41 милион лутеранох значи два пятини католикох и три пятини лутеранох. Католикох тераз у Немецкей вельо вецей, як було скорей и вони ше годни тераз лепше браніц од нападах котрих у Гитлеровеј Немецкей ест досц.

ЗАШ ЖЕНЕВА.

По длугом часу ваш ше вишли члени Союзу до Женевы на васиданіе, а найважнейши ствари, о котрих ше будзе робиц су: питање Абесиниі и война у Еспаниі. Цо ше тиче признаня Абесиниі Италиі ствари, так стоя же ше Союз не одлучи ані тадзи ані тадзи, алв ше охаби, да каждая держава роби як сце.

ЗА ПРАВА РУСКОГО НАРОДА

Нашо руски посланици у польским парламенту видали резолюцию у котрей питаю за наш народ автономію у шицких крайох польскей державі, у котрих руски народ живе у векшини. Ведно поволую ше други менши руски странки, да ше зедіня у еден союз и ведно виступя у борби за руски народни права. Поляци ше не могу начудовац, вони уж думали, же нашо браца буду им далей мирно служиц и подносиц их насильства и неправди.

Гитлер у Италиі.

Явели зме у прешлим числу, же Гитлер 3. мая пришол службено до Италиі, да ю як владар велькей Немецкей держави нациви и да ше зос Мусолинийом поради о дальшей іх зложней роботі у шветовой политики.

Пишеме о тей Гитлеровеј драги не зато, да описуеме шицки паради — цивилни и воєни, котри Мусолини во часц свойого госца дал направиц ані не будземе понавяц шицки бешеди едного и другога диктатора. Бо то ше напредок може знац, же паради були не гоч яки и же бешеди особено тоті явни, цо ше гуторя пре других, були таки, яки у таких обставинох муша буц.

Ми сцеме лем напомним, цо тоті вельке приятельство двох вельких державох у Европи значи за мир и шор у шведе.

Гитлер и Мусолини еден другога требаю за виведзене своїх планох и оталь походби іх приятельство. Интересы тих двох диктаторох ше за тераз складаю. Гитлерови треба подпора Италиі, да може легчеше обновіц предвоєну моц и славу немецкого царства. А Мусолинию заш потребна подпора велькей немецкей держави за стваране велького талиянского царства. Ані Гитлер ані Мусолини не могли тоту помоц питац и обчековац ані од Англіі ані од Французкей, бо Англия ше муши процивиц розширеню талиянских колонийох у Африки, бо там до тераз вона була перша, а Французка заш не може помагац и вешеліц ше подзвигованю моцней Немецкей держави. То уж każde дзецко зна, же Французкей стало да Немецка превельо не замоцнее.

Англия зпочатку не барз верела, же Италия годна постац ей озбыльним конкурентом у колонийох и на морю. Зато заостала у наоружаню. А кед тераз на прикладу Абесинскей войны видзела, же Италия наисце не така слаба, як цо була пред войну, та ше почала фришко наоружовац, а за кажды случай направела з Италию споразум. То зробела лем з нужди, а иншак Англицы видза, же Италия будзе им вше завадзац и прето ше сцү осигурац на иншаки способ. Цо скорей сцү створиц вельку и лепше як италянска наоружану армию, да им вона, а не паперово споразуми, гарантує іх колониялну моц.

Французка тиж розпочала догваряня о споразуму з Италиі да будзе моцнейша проци Немецкей. У исти час Англия и Французка ше баржей приближују, да проци фронта Рим-Берлин правя вони фронт Париз-Лондон.

Шицко тоті доказує, же у цалей шветовой политики и у тих шицких приятельствох и неприятельствох главна ствар е интерес, хасен. Правда

Мусолиния и Гитлера вяже и слични политични програм: диктаторски способ владаня, воздзиговане национализму и неприятельство проци большевикох. Алв попрі тоту и де и у сличности главне цо их двох вяже, то горе спомнути слични интересы. И док тоті интересы буду постояц квинтуц будзе межди Италию и Немецку и приятельство мимо того же ше под Италию паходзи цали еден немецки край Триент зос коло пол милиона Немцох.

О далекей будучности не мож тераз пророковац, алв за тераз тоті приятельство Гитлера и Мусолиния, котре ше з вельку параду виявело з нагоди Гитлерового путованя по Италиі, значи же ше дзвига и утврдує моцна сила проци большевикох, а то муши кажды зос вельким задовољством привитац. Наша держава жие и з Немецку и з Италию у приятельстве и ми можеме лем жадац, да ше злагода межди Римом и Берлином далей утврдує и да будзе тварда гаранция мира и за нас и за цалу Европу. (Мк)

Браца Славяне.

Цале време по войны, од кеди Польска з помоцу Французкей забрала под свою власц вельо руских жемох и коло 7 милиони руского народа, прициска вона Русинох дзе лем и як лем може. Ми часто являли о польских насильствох над нашим народом и тераз заш пришли жалосни висти, же польска влада забрала два вельки руски дружтва и то: дружтво руских роботнікох „Сила“ и вельку организацию руских женох, котра мала свою дружтва по шицких варошох и валалох руских, выдавала за жени часописи, давала курси за женски работи и робела на тим, да руски жени буду просвищени и свидоми члени своего народу.

Дружтво руских роботнікох „Сила“ организовало наших роботнікох, стримовало их, да не преходза гу Поляком и прето го Поляци забранвли як и женски Союз. Таки то тоті нашо браца Славяне!

ПОШВЕЦАНЕ. На недзелю 15. мая пошвеци наш Преосв. владика у Загребу за диякона звершеного богослова Иринея ТИМКА. 29. мая вишвеци Преосвященни истого богослова за священіка у його родзеним валале у Коцуре.

Мала Антанта

то ест Югославия, Румунска и Чехословакия мали у румунским варошу Синая свою конференцию (пораду). Одлучели, же далей останю у союзу, и виявели жадање, да ше споразумя зос Мадярску. — Каждая держава ма шлебодни руки, чи сце признац Италиі Абесинию чи не. — Мала Антанта остава и надалей зложна, гоч велі думали, же ше пре остатні події у штредней Европи вона подзелі и розидзе.

Дацо о пенежу.

През еври роки на питанє же цо то пенеж одвитовало ше, же пенеж одредзена количина злата або срибла. За паперови пенежи ше гуторело же то не пенеж, але ше з нїма означує кельо пенежи ше ма достац — дозначница на пенеж. Але кед Австрия у своім часу видала паперови форинти котри не мали покрице нїяке у металу — теди ше и у найученших главах помучело и почали шицки гуториц же пенеж може буц гоч цо — громада ренди чи паперу, чи целулоиду, лем кед держава одредзи же ше ма приимац за пенеж.

Але настало. чудо 1921-2. року Немецка видала паперово пенежи котри глашели на еври и милиони марки, але за тот пенеж тарговец не сцел дац ані паклу догану, гоч на нїх було виписане вельке число, а новини оглашели же ше маю тримац за прави пенеж. Тарговци предавали свою робу лем за долари, швайцарски франки и други „здрани“ валути. З того видно же тоти немецки пенежи не були „здрави“ валута. А чом? За то же вони не мали за собу одповедальну вредносц у стварох — капитал не бул за нїма. А и австрийски форинт не мал златне покрице, але мал за собу стварну вредносц. Тота и була розлика медзи аустрийским и немецким пенежом: за немецкими марками стал лем „бефел“ розказ же ше ма тот пенеж на тельо ценїц, а вредносц за собу реалну стварну немал нїяку, а аустрийски форинт мал за собу вредносц стварну и вредзел кельо було назначено на нїм гоч и немал златне чи то стриберне покрице.

З того шицкого кажди може видзиц же пенеж то капитал и то капитал живи рухоми за разлик од стаемного, мертвого капитала. Кед дахто пожичи на свою хижу 10.000 дин., вон теди свою хижу, свой мертви капитал претворел на живи капитал, на пенеж. А кед за пенеж дахто заш купел хижу чи то жем, вон свой живи капитал претворел на мертви не рухоми капитал. Але за пенеж котри нема вредносци ви не можеце ані ніч купиц, а бо-ме за ньго не сцеце ані свой мертви капитал дац. Зос того ше видзи же пенеж не прави ані банка, але пенеж прави сам народ з тим же претворює свой мертви капитал на живи капитал, або другима словами на пенеж.

Читайце „Руски Новини!“

В. Юрченко.

Зос соловецкого пекла на шлебоду.

III. (12)

По води.

Почали гладовац — управа недзбала. Вец ше им удало розобрац два нукашні мури медзи цемніцами, прешли шицки до вдней и почали на рату кричац: ратуйце, людзе кресцени, ратуйце, бо живи умераме ту у цми, смроду, гладу и зарази! И збегло ше вельо народа, позлєкали ше гевти у управи. Почали штреляц до людзох, най ше розиду, а тоти бидни лем лярмали: ратуйце, а ратуйце! На шоре було шейсцох поштреляних, а други ше розбегли од страху. Тераз бул шор тих долу умириц. Сцели конвоє едного поедного виводзиц, але тоти ше не дали, приварли и и привалели дзвери. Конвой почал з облачка штреляц, але тоти ше на рату ище баржей дарли: ратуйце, ратуйце!... И хтошка спомнул, да ше вязньом хлєба руци, та ше змиря так и було. Потим их так спреведли, же их виведу на воздух. Виведли их до двора и дотля тримали, док там повалени мури не оправели, а вец их два часци порозмесцали заш до тих страшних пивніцох, а едну часц з дротом повязаних — руки, ноги и уста — на Соловки вивезли.

Нашо стиґматички.

Др. Костельник у своєй кнїжки „Пояснення Стиґматизації“ (138 друковани боки) цалу наукову студию написал о стиґматизаціїох до тезаз и пробовал шветово, як то невируючи але учени людзе звикли таки явища толковац. Вон то шицко по найновшей науки пробовал: чи ше таки чудови явища, як при наших стиґматичкох можу натурально, лебо по днешней реальней и природней науки толковац. Вон барз добре позна и преучел тоти шицки природни науки, та пробовал толковац и доказовац тоти явища так як их толкую безвирни людзе по природних наукох, а тих ест вецей фели толкованя, то су: сугестия (кед еден другому свою волю надава, да роби и гутори, як вон сце), гистерия (нервоживчана хорота), гипнотизм (сличне сугестии), спиритизам (воланє и бешедованє з духами), медиумизм таки су людзе, котрик употреблюю у спиритизму и вони не лем толкую, аж и пророкую поедини вопросы, котри нам не ясним нерозумливи. Науково потолковац: як то индийски факири його, вачитоваче гадох, едза огень, на жирячки, ножах лежа, и прето им ніч не хиби и др.

Шицки тоти явища, котри ше стали на наших трох стиґматичкох и постоя роками до нешка, а вон их каждого дня препатра и преучує, — пробовал вон толковац так, як би то нїяки чуда не були, але по природних законов. Вон ше питал чи то природни (по нарову особи), чи надприродни явища, и доказал слїдуюче.

Понеже ест справдиви (наисцово) стиґматизації и фальшиви (гамишнї), — справдива стиґматизация муши буц од того ошлебодзена и указавац ше на особох, котри су наисце побожного живота и тоту свідомосц маю, же церпя за грихи людзох, а у тей звязи прима на себе и чудзи хороти, да их виздрави.

Таки особи преживаю не лем Христово рани, але и нукашні Христово страсци, котри можу буц и укрити т. е. без вонкашних ранох.

У таких правих стиґматизаціїох може буц яснovidучносц, ходзене духом (здушу) по швец, ясносц, запахи, апорти и т. д. Вони, гоч Христово страсци указую, але то благородно випатра т. е. тоти, цо ше припатраю им — та ше не страша од того, але им благодарне и миле чувство приходзи од того.

Сенька док не звершел, шицок ше узнал од приповеданя тих страхотох.

Широка Вятка наш сплав ношела, а летне цепле слунко нас мило огривало. Осетел сом у себе дух шлебоди. Приповедал и я им о Соловках, а їх то незвичайно цикавало и цо далее, баржей ме полюбели.

— Кури, бретец! Вот махорка... кури сколь хочеш, понукал ме Васька.

— А вот, знакса, хлєбец, сельодка. Ёш сколь душа, знакса, угодна. А може ещо кашници, знакса, желаш-та? Гавари, знакса, чай панїмами, как оно, знакса на Соловках...

И едол сом и курел, бо хлапци мали надосц. Ожил сом и здушу и зцелом, а загарантовани ми бул мир и живот медзи людзми. Страх и нервоза ме, слава Богу, опушцали. Ту сом аж пришол гу себе и почал роздумовац о своей дотерашней драги. Дас 11 днї сом блукал по блатних пралесох, 17 днї сом ишол коло железней драги, а то значи же сом за тот час прешол вецей як 1000 километри. Гу тому сом сос Рибченко на сплаву по рики Льохти прешол найменей дас 200 верстви (коло 350 километри).

Живот на сплаву на Вятки и тих щирих двох младих людзох Сеньку Ряцова и Ваську Штукова будзем наметац до вика. Вони ми указали вельку помоц, перші ме

То основни правила о стиґматизації з котрима наш учени писатель доказал, же справедлїву стиґматизацию не мож природно обяшнїц, вона муши мац духовну причину.

Кед то не мож потолковац зос истерию, ані зос сугестию, ані з галуцинацию або „фиксидею“ — попробовал толкованє ище и з медиумизмом, о чим будзе у слїдуючим числу.

Як жиє Папа кажди дзень.

Рано точно на 6 и пол Пийо XI. става. Чи то жима чи лето, отвори облак, пооблека ше — и сам ше бритви. Коморник — його слуга — уходзи до хижки аж кед вон виде.

Каже рано на пол осмей Папа служи св. Службу Божу у своей каплічки. По Служби Божей треба му ферталь годзинн на фриштик, котри ше состої од билей кафи и фалатка хлеба.

На пол 9 годзини Папа ше спущи зос лифтом за еден шток нїжей и идзе до своей приватней библиотеки. Даскельо минути пред тим уж зос першого штоку пришол там державни секретар Й. Е. кардинал Пачели. Вон кажди дзень перши приходзи гу Папови. Вон приноси зос собу вше свою скоряну торбичку полну зос актими, од котрих не еден од велькей гисторийскей важносци. Його авдиенция вше трав длуго, а ані не чудо, кед ше зна же ше бешедує о стварох, котри ше одноша на цалу католическу церкву.

По тим приходза вшелїяки други авдиенциї (приманя особох гу Папови), котри дакеди тирваю и през 5 годзини. Час полудзенку едина неточни час Папового дня, бо вон дакеди почне на годзини, дакеди на два, а дакеди и на 4 годзин, то овиши од того як длуго тирваю авдиенциї.

Сам полудзенок прости як и фриштик. Юха, варени ствари, сир и овоци. Других стварох готово и нет. Меса нет нїгда, але вше еден погар вина, шолїчка чарней кафи, а дакеди и цигаретла.

Коло пол пейц почина шпацир на авту по заградох. Чудо же Папа люби кед фришко вожа и дакеди под час цалого шпациру Папа не прегвари ані слово.

Кед 5 и пол Папа ше враца назад. Авдиенциї и работа заш починаю. Теди найвечей ест приватних авдиенциїох и тирваю през два годзини. Папа ше споведа кажди пияток. Час цо му остане преведзе при своім писачим столу.

На пол еденац гаши ше шветло у библиотеки. Папа ше враца до каплічки зос тайним коморником и собаром и ту на клєчаци модлі пацерки.

Кед зверши молитву, идзе до едалні и ту вечера кафу, лебо даяку легку юшку.

По тим одходзи до своей хижки, Гу го на столв чекаю папери и кнїжки. По старим обичаю придава ше читаню и роздумованю.

Вони напоели з виру и надїю, же з помоцу добрих людзох дойдем на Україну до своего валалу и гу своей фамелиї.

До Саколох, дзе мал сплав пристац, не пошесцело ше ми дойц, бо по трецей ноци путованя, зорвала ше велька буря, кед зме були баш на широкей, а плїткей на тим месце Вятки. Руцали нас габи, нарабяло з нами так, же нам зос сплаву одорвало едну часц, але ище горше то, же нас вируцело на таке плїтке, одкадз зме нїяк уж не могли далее рушиц. Хлапци зохабели шицко и мушели ше голоруч врациц до Слободскей, коло котрей зме ше пред даскельо минутама превезли.

Не патрели вони на чкоду, цо им буря наробела, догваряли ше, же мнє Штуков одпровадзи на ладу и пойде зомну даскельо интаниї, а Рабцов ми да свойо документи.


Пришли зме до Слободскей, лада идзе аж вечером, а ми надумали зайц до вароцику, цо од рики бул дас 4 километри оддалени. Требало би ми даяки шмати купиц, обривциц ше, бо ме брада и попухнуте лицо видавало за сумнївого. Але у цалим вароцику нїч купиц не мож було. Мануфактура ше вообще ту не предава уж давно. Людзе у рондїох ходзе у префарбених мехових шматох. А скоро од хижки до хижки сом ходзел за бритву. Еден ище у войни страцел, други

нього ще отпитал краснима словами панонец парох Павич. Медзи иншим гварел вон так:

Мили покойнику! Ти бул од тей старей нашей рускей генерації медзи першим и як просвитель и ях вирник своей святей греко-католицкей вири и церкви. Од тей нашей генерації, котра була свидома своей длужносци и своего звания, котра добре знала, же просвита и вира то ведно вязани и едно без другого не може буц, и же шицко цо руски народ посцигол на просвितним полю, ма дзековац своей греко-катол. вири и церкви. Да не було тей церкви, Русинох у тих крайох би не було. Ти, зберал коло себе наш народ, ягод квока курчата лебо matka при пчолох своей пчолы, зберал ши их и организовал не прето да их сприведзеш и предаш як Юда Христа, да таргувш зос своим народом, але ши го зберал и организовал, да так укаже свою свидомосц и заслужу поштоване и од каждого, з котрим вон придзе до стику. Прето Ти и такой порозумел важносц нашей Просвिति и у ней ши учествовал. Кед же пред пейцма роками за време диктаторских режимох дзвигла буря на наш народ и наша вира мала же зотрец у Бачкей и Сриме, а Русином требало закрузиц карк, да же претопя до „Славянства“ и нестане их у тих крайох, кед плачени агенти, зраднички и одпаднички од нашей вири пошили по наших валалох, да конча своей юдейске и дяволске діло, Ти учитель наш Осифе, стал ши тварди як камень при своему народу и церкви и зос нашу руску интелигенцию уложел ши шицки своей хоч и стари сили, да обранш народ наш од препасци и од „нашествия иноплеменик“. Пременили же прилики, нестало бурі, народ свидоми викопнул а диктаторох. Народ остал ище моцнейши и велім же отворели очи, и нешка тот наш руски народ стої як еден человек приправни дац и живот за свою народну и вирску егзистенцию и шлвбоду. А тоті сприведзени агенти отпаднички остали поганьбени, презрени од шицких поштених людзох и на шмих каждому. Велі од них увидзели свою хибу и наврацели же назад до своей вири и руского народа, бо же претиведчели, же им индзей нет места. Тей отпорней сили при нас би не було, да ви стари нашо учителя, медзи нима и Ти покойниче, нас так не виховали, да своей чуваме, браніме и недаме, а люцке да поштувме. Прето од цалого руского народа най ци будзе благодарносц и у наших шерцох вична память а од Бога вична награда. Покой вични твой племенітей души!

Вшелїячина

НЕМЕЦКА ма нешка 13 милиони членох у организацийох за одбрану од ваздушного нападу и то: постоя 66.000 секциї, цо маю 5.000 школи за тоту роботу, а 28.000 учителей кажди дзень даваю науку, же як же треба чувац од ваздушного нападу. — ПРЕД ГИТЛЕРОМ у Италиї виводзели вобни вежби 400 авионі. — ФЕРТАЛЬ МИЛИОНА на лицигації у чижмох купела една фармерка у горонту за 40 динари. А то же так трафело, же на лицигації у едним обисцу, дзе же шицко предавало, пришли на шор ношени чижми. Присутна фармерка раховала, же ей добре приду до поля, та их купела. Кед их дома пробовала, осетела, же у чижмох цошка вст. Зобула и нашла цо у едней цо у другой банкіоти од вредносци у наших пенєжох 250.000 динари. — ДАРАЗ и огонь понагла гу огньогасцом, да го загаша, не лем огньогасци гу огню. Так же чудно случело у Копенгагену, же еден фиякерист вожел якишик пакети и у драже осетел, же же еден запалел и гори. Такой же досетел же ту кадзи идзе недалеко огньогаска станица и спонаглел нагнац там. Огньогасци дораз збачели у чим ствар, та огонь загашели. — НЕМЕЦКА мала 1932. р. 4 милиони и 200.000 радио-предплатничкох, а од теди до 1937 року за национал-социалистох поросло число на 9 милиони и 87.000, а приходи виросли зос 98 милиони марки на 204 милиони. За тоті пейц роки предано 10 и пол милиони радио-апарати. — И У БОЛЬШЕВИИ уж настал май, а ище до нешка там нет ані бешеди о виробеним державним бюджету за тот рок. Ясно же би им тим погляду опубликовани, податки не служели на, чесц и славу!



Немци и Талияне. Остатніх дньох указал талиянски народ не меншу чесц и почитоване немцекому канцеларови Гитлерови, як то вшені указано у Немецкей предс. талиянскей влади Мусолинийови. Немци теди не тельо указовали на свою силу, кельо лем сцели указац чесц, док тераз Талияне, указали чесц Гитлерови, але найбаржей у паради оружя — да укажу Немцом, же немецки союз с Италию дава векшу гаранцию як шицки други союзи з другима державами.

Большевики вше опаснейши за тоті держави з котрима су приятель, як за гевти, цо су им отворени неприятель — так пишу английски новини „Таймс“. До тераз випробовали шицки могутні способи да нападаю национални держави Немецку и Италию, але то шицко не начкодзело ніч тим державом. Але каждей держави, з котру вони у союз, у ей нукашнім шоре, у ей политики за граніцу барзц начкодзели. Чим приятельство з нима векше, тим же вони (большевики) баржей до ей справох мишаю.

Три милиярди и тристо милиони рублі у злату у 1935 р. видали большевики на революционарну пропаганду у Европи и Азиї.

Ватикан поставел за националну Еспанию нунция, котри будзе перебувац у Бургосу, а то значи, же де-юре признава националну власц. Так исто наименовала Португалия своего посланика. Од страни Францускей 3-го мая одпутовал на догварку до Бургосу Шарл Морас; вожд „Аксини Франсес“ — а и там го барз сердечне привитали.

Абесинске питане випатра же же ушори. Тих дньох же одпочали заш засиданя у Женеве, на котрих би же претресли, лебо и ушорели найглавнейши политически питаня у швец. Ту на шоре буду: Абесиния, Шпания, Кина и т. д. До тераз уж 14 члени Союза народох признали анексию Абесинии.

РУСИНИ!

ВЛАДИ ЛАБОША У ШИДУ

Робим на пияцу гу гайзибану.

ПРИХОДЗЦЕ!

НОВЕ!

Шицки лимарски (кломферски) виробы як КАДИ ЗА КУПАНГ, ШПРИЦЛИ ЗА ВИНІЦИ, КУПАЧКИ, КАНТИ, КАБЛИ и друге можеце достац у нашого нового кломфера

першого випитаного кломфера — Русина.

Окончуем и шицки кломферски роботи на будовных — церквох, школах, хижох. — Закривам крови и намесцам лївки. — Примаю шицки поправки своей струки. Робим шицко найсовиснейше и найточнейше — а туньо! — ХТО у МНЕ КУПУЕ НЕ БАНУЕ! ПРИДЗЦЕ ТА ШЕ ПРЕШВЕДЧИЦЕ!

РУСИНИ, СВОЙ ГУ СВОЙОМУ!

КУПУЙЦЕ!

Японски посланик у Москви протестовал тих ньох против тей велькей помощи, яку дава Москва Кини. Там послато 500 авиони, 200 пилотох и вельо военного материялу.

Китайци водза вельку борбу з Японцами на широком фронту по длужини Чунхайскей железней драги. Там маю добре приготовене войско од 800.000 людзох.

Наша Держава

У ПРЕШЛИМ бюджетским року наша держава мала за 895 милиони вецей приходу, як то було предвидзене у бюджету, а то значи же держава прияла едну миллиарду и 373 милиони динари вецей як цо у тим бюджетским року видала.

НА БЕОГРАДСКИМ САЙМУ наймоцнейше була заступана Немецка. Райх на тогорочним сайму виложел шицки фели своей индустриї.

У САРАЄВУ 500 шверцере догану вжали за своего адвоката др. Енгла и послали го Банскей Управе зос тим, же су шицки готови зохабиц же шверца на цали живот, лем най им же да даяка часна служба. Готови су прияи роботу у даедней фабрики, лебо по пиротехничких заводох.

ЖИМНА ХВИЛЯ з дижджом тирва далей. Од жими страдали найвечей виніци и овоци. У давних крайох гваря винограда-ре, же уж тераз виніци убити од мразу за 50 проценти.

ЦЕНИ ЖИТА и кукурици стално рошню. У варошох прето подражел леб за пол динара по кили.

У НУКАШНЕЙ ПОЛИТИКИ нет важних новисцох. Новини блізки влади явяю кажди дзень, же организации дакеди „славней“ велькей Югосл. Националней странки преходза до Ю. Р. З. У опозициї тиж ніч нового.

ВЕЛЬКИ ЛЯД як голубово вайца падал у валале Радинци коло Руми у Сриме. Овоцовой древа цалком побити. У тих крайох коло Руми кажди рок стално пада ляд и часто же трафяю други природни нещесца.

Предам 60 вельки гольти жемі зос красним салашом, (5 км. од Дюрдьова) гоч на вецей парцели. Обявиц же гу МИХ. ДЖУДЖАРОВИ. качмарови, Руски Керестур.